

欽定歷代職官表

11

保
454
8



冊4
4544
8

欽定歷代職官表卷二十四

經筵日講起居注官表

經筵講官

	三代	
	秦	
	漢	
	魏	
	晉	
	<small>宋齊梁陳</small>	
	魏	
	北齊	
	隋	
	唐	
	季	
	宋	<small>崇政殿 讀書 講讀官</small>
	遼	
	金	<small>益政院 崇政殿 讀書 講讀官</small>
	元	<small>益政院 崇政殿 知經筵 大學士 知經筵 同知經 筵事 至章閣 經筵進 學士兼 講官</small>
	明	<small>經筵官 經筵展 御史大 書管 夫知經 筵事</small>

職官表卷二十四 經筵日講起居注官表

廣雅書局

經筵日講起居注官

國朝官制

經筵講官滿洲漢人各八人

掌進讀講章敷陳典訓以奉侍

經幄敬襄鉅典歲二月八月兩舉

經筵講書滿洲漢人各一人講經滿洲漢人各一人由翰林

院先期請

旨簡派滿洲講官以大學士內閣學士掌院學士讀講學士詹

事少詹事及尙書侍郎左都御史副都御史通政使大理

寺卿等官列名漢人講官以大學士內閣學士掌院學士

讀講學士詹事少詹事祭酒及尙書侍郎左都御史等官

聯錄卷二十四
三
之由翰林升任者列名以原銜兼充員額順治十四年定置

日講起居注官滿洲八人漢人十有二人

掌侍直

起居記言記動均翰林詹事坊局官以原銜兼充引

見簡用惟滿漢掌院學士例各兼一缺凡

皇帝御門聽政朝會宴饗大典禮大祭祀及每歲勾決重囚皆以

日講官滿洲漢人各二人近前侍班

謁

陵

大三百一十四

校獵

巡狩方岳則請

旨扈從凡侍直敬聆

綸音退而謹書之具年月日及當直官姓名於籍月成滿漢文各二帙至次年案月編排彙爲總冊封鐫於匱送內閣尊藏焉初順治十四年始設

日講官十人康熙九年置

起居注館於

太和門西廊設滿洲記注官四人漢人記注官八人俱以

日講官兼攝十二年增設滿洲記注官一人漢人記注官二人十六年又增設滿洲記注官一人二十年增漢人記注

官至十八人三十一年定設漢人記注官十二人五十七年三月省記注官令翰林官五員於理事日侍班記注之事併歸內閣雍正元年

詔復設日講起居注官如康熙五十六年以前故事乾隆元年增設滿洲記注官二人凡滿漢記注官均兼

日講繫銜

起居注館主事滿洲二人漢人一人

掌出納文移校對典籍初置滿洲主事三人漢軍主事一人康熙三十八年省滿洲漢軍主事各一人五十七年俱省雍正元年復置滿洲主事二人十二年增設漢人主事一人

筆帖式滿洲十有四人漢軍二人

順治初置滿洲八人漢軍四人十一年增設滿洲六人康

熙五十七年俱省雍正元年復設如今額

職事具吏部篇

歷代建置

三代

大戴禮記武王踐阼三日召師尚父而問焉曰黃帝顓頊之道存乎意亦忽不可得見歟師尚父曰在丹書王欲聞之則齋矣三日王端冕師尚父亦端冕奉書而入負屏而立王下堂南面而立師尚父曰先王之道不北面王行西折而南東面而立師尚父西面道書之言

謹案大戴禮稱帝入太學承師而問道而學記亦云太

學之禮詔於天子無北面是三代聖王皆有講學之臣以資啓沃特其官不見於六經章俊卿山堂考索以周官師氏保氏爲後世經筵之職然師氏保氏雖云王舉則從其實專爲教世子國子而設未可引爲原始惟大戴禮武王踐阼篇載師尚父授丹書頗與經筵之儀相近後世舉經筵不於太學而於殿廷事亦相類錄著於此以徵緣起焉

禮記玉藻動則左史書之言則右史書之鄭康成注其書春秋尚書具存者孔穎達疏左陽陽主動故記動言則右史所書右陰陰主靜故也周禮五史無左右之名襄二十五年太史書崔氏是太史記動爲左史也周禮內史掌策

命是內史爲右史也

孔叢子古者人君外朝有國史內朝有女史舉則左史書之言則右史書之

謹案左史記動右史記言爲後代記注官所由始然其說但見於禮記而周禮則無左右史之名故孔穎達以太史爲左史以內史爲右史但考太史掌稽天道以建典則並無記載職任不可以當珥筆之官而內史掌八柄以詔王治所司皆君舉之大者其他策命諸侯卿大夫亦宜籍記以存盟府則內史當爲記事之職而外史掌外令及四方之令當爲記言之職孔穎達据酒誥鄭注有太史內史掌記言記行之文遂以二官分配非其

實也又考逸周書史記解穆王時有左史戎夫春秋襄十四年左氏傳有左史謂魏莊子又楚有左史倚相左史老則是周自成康以後亦已特置左右史官並不專屬之內史外史矣

秦未置

漢

章俊卿山堂考索漢武帝時兒寬語帝經學宣帝甘露二年詔諸儒講論五經於石渠閣光武平隴蜀後數引公卿郎將講論經理令桓榮敷奏經義顯宗時張酺以尚書數講於御前肅宗建初四年會諸儒於白虎觀講五經同異帝親臨決如石渠故事

謹案宣帝講石渠章帝議虎觀即講經殿中之始然特令諸儒講議異同稱制平決而已惟桓榮張酺之流講經御前此有似於後世經筵日講之官特未置為定職耳

隋書經籍志漢武帝有禁中起居注

後漢書明德馬皇后本紀后自撰顯宗起居注

杜佑通典漢起居注似在宮中為女史之任

王應麟玉海獻帝及晉代以來起居注皆近侍臣所錄

謹案隋書稱周穆天子傳體制與今起居注正同蓋周時內史所記王命之副則記注之設由來尚矣漢代起居注之名今可考見者漢書兒寬傳臣瓚注宣帝紀黃

龍元年師古注俱引漢注文選赭白馬賦李善注引漢明帝起居注意懷太子後漢書注引獻帝起居注而史獨不詳其珥筆之官杜佑疑爲女史之任王應麟亦謂獻帝以後乃侍臣所錄然考後漢馬嚴傳稱永平中留仁壽闈與校書郎杜撫班固等雜定建武注記則當時實以史官掌之又楊賜傳載賜初侍講華光殿後爲太尉去位帝閱錄故事得賜前侍講注籍云云章懷太子注謂所注之籍錄據此則亦似今之以日講起居注合爲一職也

三國

〔三國魏志曹爽傳〕爽弟彥爲散騎常侍侍講

謹案自漢以後歷代俱無經筵日講之官而獨有所謂侍講者以他官兼領掌以經義進講御前蓋卽其職但今侍讀侍講已定爲翰林官職名故其沿革之詳已專繫之翰林院篇不入於此表

〔馬端臨文獻通考〕自魏至晉起居注則著作掌之其後起居皆近侍之臣錄記也錄其言行與其勳伐歷代有職而無其官

晉

〔山堂考索〕晉起居之職掌於著作其後亦命近臣主掌其事

謹案隋志載晉起居注卷帙甚多其見於他書所引者

如三國蜀志注引晉泰始起居注魏志注引陸機惠帝起居注文選注引晉起居注太康四年詔世說注引惠帝建興太元起居注而沈約宋書傅亮傳亦引陸士衡起居注稽之陸機本傳機於惠帝初嘗為著作郎此即當時記注由著作撰述之一證也

宋齊梁陳

南齊書周顥傳顥兼著作撰起居注

梁書裴子野傳武帝以為著作郎掌修起居注

南史王思遠傳思遠遷為侍中掌優策及起居注

謹案江左諸朝承晉制以著作掌起居注而王思遠乃以侍中亦兼其職南史王喜傳又載有喜為領軍府白

衣吏領軍將軍沈演之使寫起居注一事考演之時以中領軍兼侍中則當時起居注實兼屬於門下省隋唐起居郎之隸門下其源蓋本於此也

北魏

通典後魏始置起居令史每行幸宴會則在御左右記錄帝言及宴賓客酬答後又別置修起居注二人以他官領之

魏書官氏志起居令史從第七品上

謹案北魏修起居注雖他官兼之然已設有定額考之於史如崔鴻以司徒長史前將軍兼韋賁以員外散騎侍郎兼許綯以司徒諮議參軍兼陰道方以左民郎中

兼封肅以太學博士兼邢以太尉記室參軍兼溫子昇以南主客郎兼則亦不拘品秩也魏書又有稱監起居者見於裴修盧聿諸傳有稱典起居注者見於裴伯茂魏收鄭伯猷諸傳殆卽修起居注之職而變其文者歟

北齊

隋書百官志後齊集書省又領起居省散騎常侍通直散騎常侍散騎侍郎通直散騎侍郎各一人校書郎二人

謹案北齊別置起居省而記言動者始各爲一局卽如今之設記注館也然考北齊書崔陵傳天保初陵除侍中監起居崔瞻傳瞻爲中舍人兼中正員郎勅修起居注則其時撰述之事仍以他官兼之所謂散騎常侍等蓋特具員而已

後周

通典後周官品正四命春官外史下大夫

唐六典後周春官府置外史掌書言及動作以爲國志又有著作掌綴國錄蓋起居著作自此分也

謹案後周旣分起居著作爲二職則外史當專記言記動之任然考隋書劉行本傳稱周武帝親總萬幾行本轉御正中士兼領起居注是當時亦以他官兼領不盡屬之外史矣

隋

鄭樵通志隋初以吏部散官及校書正字有敘述之才者掌起居注職以納言統之至煬帝以為古有內史外史今著作如外史矣宜置起居注官以掌其內乃於內史省置起居舍人二員次內史舍人下

唐六典漢晉以後起居注皆史官所錄自隋置為職員列為侍臣專掌其事每季為卷送付史官

唐

王圻續文獻通考唐穆宗召韋處厚路隋為侍讀命講書謹案歷代經筵皆無專官至唐始有內殿侍讀講書之制然亦未有經筵之名故侍讀侍講諸官皆別繫諸翰林院篇不列於此

通典唐貞觀二年省起居舍人移其職於門下置起居郎

二人顯慶中復於中書省置起居舍人遂與起居郎分掌

左右龍朔三年改為左右史郎為左史舍人為右史咸亨元年復舊

天授元年又為左右史神龍初復舊

新唐書百官志門下省起居郎二人從六品上掌錄天子

起居法度天子御正殿則郎居左舍人居右有命俯陛以

聽退而書之季終以授史官貞觀初以給事中諫議大夫

兼知起居注或知起居事每仗下議政事起居郎一人執

筆記錄於前史官隨之其後復置起居舍人分侍左右秉

筆隨宰相入殿若仗在紫宸內閣則夾香案分立殿下直

第二螭首和墨濡筆皆即坳處時號螭頭高宗臨朝不決

事有所奏惟辭見而已許敬宗李義府爲相奏請多畏人之知也命起居郎舍人對仗承旨仗下與百官皆出不復間機務矣長壽中宰相姚璿議仗下後宰相一人錄軍國政要爲時政記月送史館然率推美讓善事非其實未幾亦罷而起居郎猶因制勅稍稍筆削以廣國史之闕起居舍人本記言之職惟入而位於起居郎之次及李林甫專權又廢太和九年詔入閣日起居郎舍人具紙筆立螭頭下復貞觀故事有令史三人贊者六人○中書省起居舍人二人從六品上掌修記言之史錄制誥德音如記事之制季終以授國史有楷書手四人典二人

〔唐會要〕武宗會昌二年十月中書奏起居注記比者不逐季撰錄請每季初卽納前一季所記與史館以遲速爲殿最從之

謹案唐以起居郎舍人分侍左右執筆記錄記注官侍班之制實起於此時其季終以所修錄送史館卽如今每歲十二月以

起居注進內閣之例而宰相所錄又名時政記則如今內閣之有

上諭檔及外紀檔也

五季

〔薛居正舊五代史〕周李穀監修國史請命近臣錄禁中事付史館乃命樞密院直學士就樞密院錄送史館自此始

謹案五季兩省設官並沿唐制而起居郎舍人之職皆不見於紀傳觀薛史所載令樞密直學士錄時事以送史館則亦未必備官也

宋

〔文獻通考〕元豐官制廢翰林侍讀侍講學士不置但爲兼官然必侍從以上乃得兼之其秩卑資淺則爲說書歲春二月至端午日秋八月至長至日遇隻日入侍邇英閣輪班講讀元祐七年復增學士之號建炎元年詔特差侍從官四員充講讀官遇萬幾之暇令三省取旨就內殿講讀山堂考索宋太祖召趙孚講周易又召王昭素講易乾卦真宗置侍讀侍講學士擇耆舊以充其選設直廬於祕閣

侍讀更直仁宗天聖元年上始御崇政殿召侍講孫奭馮元講論語初詔隻日至是隻日亦詔講讀景祐元年以賈昌期趙希言王宗道楊安國並爲崇政殿說書日以二人入侍講崇政說書自此始舊講讀官每見先賜坐暫起講復坐仁宗富於春秋乃令儒臣並就御案遂爲故事

〔范鎮東齋記事〕宋崇政殿西有延義閣南向迎陽門之北有邇英閣東向皆講書所仁宗初御延義每令講論或講讀終篇則宣二府大臣同聽賜飛白書或賜宴其後專御邇英也

〔吳曾能改齋漫錄〕王荆公所作賈魏公神道碑云景祐元年積官至尙書都官員外郎乃始置崇政殿說書而以公

明官表卷二十四
爲之然予按傅簡公佳話云太祖少親戎事性好藝文卽位未幾召山人郭無爲於崇政殿講書至今講官所領階銜猶曰崇政殿說書云據傅簡公所云則崇政殿說書不始於仁宗景祐元年矣豈中嘗罷之而至是再建耶

謹案經筵之制起於宋凡侍讀侍講學士侍讀侍講及崇政殿說書皆稱經筵官馬端臨所謂至清要顯美者是也當時以雙隻日入侍講讀早晚進講惟遇假故及大寒大暑權行停罷故經筵及日講並不分設兩官自明於經筵以外有日講午講諸儀於是經筵日講職名始區而爲二矣今以讀講已爲翰林定職故別載入翰林院篇而崇政殿說書則繫之此表至吳曾以說書之官起自郭無爲考之於史郭無爲乃抱腹山人北漢主劉承鈞召以爲相後爲劉繼元所殺其人始終在北漢並未入宋安得有太祖召令講書之事真無稽之談不足信也

宋史職官志門下省起居郎一人掌記天子言動御殿則侍立行幸則從大朝會則與起居舍人對立於殿下螭首之側凡朝廷命令赦宥禮樂法度損益因革賞罰勸懲羣臣進對文武臣除授及祭祀宴享臨幸引見之事四時氣候四方符瑞戶口增損州縣廢置皆書以授著作官國朝舊置起居院命三館校理以上修起居注熙寧四年詔諫官兼修注者因後殿侍立許奏事元豐二年兼修注王存

耶律元孫卷二十一
乞復起居郎舍人之職使得盡聞明天子德音退而書之神宗亦謂人臣奏對有頗僻讒慝者若左右有史官書之則無所肆其姦矣然未果行故事左右史雖日侍立而欲奏事必稟中書俟旨存因對及之八月迺詔雖不兼諫職許直前奏事蓋存發之也官制行改修注爲郎舍人六年詔左右史分記言記動元祐元年仍詔不分七年詔邇英閣講讀罷有畱身奏事者許侍立紹聖元年中丞黃履言所奏或干機密難令旁立仍依先朝故事先是御後殿則左右史分日侍立崇寧三年詔如前殿之儀更不分日大觀元年詔事有足以勸善懲惡者雖秩卑亦書之紹興二十八年用起居郎洪遵言起居郎舍人自今後許依講讀

官奏事隆興元年用起居郎兼侍講胡銓言前殿依後殿輪左右史侍立○中書省起居舍人一人掌同門下省起居郎侍立修注官元豐前以起居郎舍人寄祿而更命他官領其事謂之同修起居注官制行以郎舍人爲職任涓熙十五年羅點自戶部員外郎爲起居舍人避其祖諱乃以爲太常少卿兼侍立修注官其後兩史或闕而用資淺者則降旨以某人權侍立修注官

玉海淳化五年四月丙戌史官修撰張昫請置起居院修左右史之職記錄爲起居注每月與時政記同送史館上嘉之乃置院於禁中命梁周翰李宗諤掌郎舍人事修撰體式檢討故事以聞丁酉周翰等言今後應有崇德殿長

春殿皇帝宣諭之言侍臣論列之事依舊中書編爲時政
記月終送史館自餘百官封拜除改沿革之事並令關報
起居院以備編錄每月送史館仍命郎舍人分直崇政殿
以記言動別爲起居注每月先進御後付史館從之慶曆
三年十一月同修注歐陽修請上殿臣僚少畱殿門俟修
注官出面錄聖語又請更不進本從之至和元年八月二
十四日知制誥賈黯乞修注官入侍邇英閣事有可書隨
卽記錄二年三月丁卯令立侍諫官兼修注

〔文獻通考〕宋沿唐制起居郎隸門下起居舍人隸中書號
小兩省官

〔費袞梁谿漫志〕二史立螭頭舊多服綠者謂之一點青其

職日記言記動則人主起居之際皆所當侍而遇乘輿行
幸未嘗扈從此亦闕文近世始命起居郎起居舍人從駕
乃合建官本意

謹案宋以起居郎爲左史起居舍人爲右史專修記注
與講筵官原各爲一職然考王應麟稱說書賈昌期以
經筵議論纂爲邇英延義二閣記注孝宗時洪邁等在
經筵亦以所得上語及奏對編爲祥曦緝熙二殿記注
則今記注官之兼
日講銜權輿於此矣

遼

〔遼史百官志〕門下省起居舍人院起居舍人聖宗開泰五

年建起居舍人程翥知起居注耶律迪里索倫語頭也原作敵烈今改正

重熙末知起居注起居郎杜防開泰中為起居郎

金

宇文懋昭大金國志天會十三年改官制記注院置修起居注

〔金史百官志〕記注院修起居注掌記言記動明昌元年詔毋令諫官兼或以左右衛將軍兼貞祐三年以左右司首領官兼為定制○益政院正大三年置於內廷以學問該博議論宏遠者數人兼之日以二人上直備顧問講尚書通鑑貞觀政要名則經筵實內相也

〔金史哀宗本紀〕正大二年七月詔設益政院於內廷以禮

部尚書楊雲翼為益政院說書官

謹案遼道宗有令侍臣講論語事則當時亦嘗置進講之官特無經筵之目耳至金初未開講幄正大中始設益政院官令其日侍講讀而說書官以禮部尚書兼之則其職較崇今以尚書侍郎充

經筵講官蓋即其例也

元

〔陶宗儀輟耕錄〕天祿初建奎章閣于西宮興聖殿之西廊文宗復位陞為奎章閣學士院置大學士五員並知經筵事侍書學士二員承制學士二員供奉學士二員並兼經筵官幕職置參書二員典籤二員並兼經筵參贊官藝文

監太監少監監丞或有兼經筵官者博士兼經筵參贊官授經郎兼經筵譯文官

元史黃潛列傳晉兼經筵官執經進講者三十有二帝嘉其忠數出金織文段賜之

元史額琳沁巴勒列傳唐古特語額琳沁寶也巴勒威也原作亦憐真班今改正額琳

沁巴勒以御史大夫知經筵事經筵進講必詳必慎故每讀譯文必被嘉納

元史百官志至元六年始置起居注左右補闕掌隨朝省臺院諸司凡奏聞之事悉紀錄之如古左右史十五年改陞給事中兼修起居注左右補闕改為左右侍儀奉御兼修起居注後定置給事中兼修起居注二員右侍儀奉御

同修起居注一員左侍儀奉御同修起居注一員

孫承澤春明夢餘錄元人經筵儀節悉備如以勳舊大臣知其事及定期二八月後累朝皆仍其制

謹案元以奎章閣學士院兼經筵官給事中兼起居注官皆設為定職而勳舊大臣亦間令知經筵以重其事如額琳沁巴勒以御史大夫兼領者是也

明

廖道南殿閣詞林記洪武中令儒臣更番入禁中每日輪一員進講侍直誤者罪之如大學士吳沈嘗坐進講遲誤被劾永樂以後多渥典自設經筵後講官不復入直惟令翰林及春坊經局等官相輪侍班久之選為展書官又自

展書乃得充月講官若日講則用年資深而品秩尊者

〔續文獻通考〕英宗正統元年春二月始開經筵命太師英國公張輔知經筵事少傅兵部尚書兼華蓋殿大學士楊士奇少傅工部尚書兼謹身殿大學士楊榮禮部尚書兼學士楊溥同知經筵事詹事府少詹事兼侍讀學士王直少詹事兼侍講學士李時勉錢習禮陳循侍讀苗衷侍講高穀修撰馬愉曹鼐兼經筵官仍賜宴及金幣有差遂爲定制續定經筵儀注每月三日日以逢二爲期歲率以二八月中旬起四十月末旬止用勳臣一人知經筵事內閣大學士二人同知經筵事六部尚書左右都御史通政司使大理寺卿及學士等官侍班翰林院春坊等官及國子監祭酒二員進講二員展書給事中御史各二員侍儀鴻臚寺錦衣衛堂上官各一員供事又鳴贊一員贊禮序班四員舉案侯伯各一人領將軍侍衛

〔春明夢餘錄〕文華殿經筵每歲以二八月中旬起四十月末旬止月三會講日皆逢二進講每兩人一四書一經講章皆預呈閣臣轉付中書繕錄正副各二紙隔日進司禮監官奏知先晚於文華殿內寶座地平之南設金鶴香爐左右各一於左香爐之東稍南設御案講案各一皆西向案上各置所講二書以夾講章各壓以金尺一副至期早進近侍內臣及知經筵官勳臣內閣學士并講官及六部尚書都御史大理寺卿通政司使鴻臚寺卿錦衣指揮使

及四品已上寫講章官俱繡金緋袍其展書翰林官與待儀御史給事中序班鳴贊等官俱青繡服朝畢駕起御文華殿皆隨之大漢將軍凡二十名導駕至左順門退易冠帶便服仍各執金瓜而領將軍或侯或伯者則易金繡蟒衣追越眾官進左順門皆分班綴行立文華殿外竢傳宣云進來則將軍先入殿內負東西牆立諸臣陞陞鴻臚寺官贊入班行禮畢以次分由殿東西門入重班立指揮則立西一班末稍前御史給事序班六員分于中門左右向北立序班二人舉御案進上二人舉講案置中鳴贊唱進講二官各出班立講案前展書官二員出班對立鳴贊講官並行禮與東展書進至地平膝行詣御案展四書講章

講四書官亦稍前近案展所講書竢展書官復位先說講某書然後申講講畢掩書稍退後原展書官仍如儀進掩書復位西展書官與講經官進退俱如前儀講畢仍並行禮各回班序班各撤案聯置舊所鴻臚卿中跪奏禮畢上諭官人每喫酒飯各官跪承旨興以次出丹陛仍行禮乃出左順門宴以官序惟學士之坐立則序於鴻臚寺卿及四品以上寫講章官及展書官坐立亦序於四品之下重職事也又日講官凡四員日輪二員先大學衍義次貞觀政要二書皆不用講章惟各以黃票書所起止預進先日內臣設御案於文華殿後穿堂中以二書並起止置案上至日早朝畢四講官同閣臣隨駕入至殿內授內臣以來

聊齋志異卷二十四
三
日起止俟召乃入穿堂內行禮分班北向前後立東班當講者詣御案前內侍授牙籤右手執之且指且講書則向上初展後掩皆屬內侍講畢還籤復位西班當講者乃進講悉如東儀講畢上諭先生喫酒飯皆跪承旨行禮禮畢前後皆一拜三叩頭出宴於文華門外西廡禁中謂之小經筵亦謂之小講

〔明史職官志〕起居注甲辰年置吳元年定秩正五品洪武四年改正七品六年陞從六品九年定起居注二人後革十四年復置秩從七品尋罷至萬厯間命翰林院官兼攝之已復罷

謹案自魏晉以後歷代皆有起居之任至明初暫置卽罷遂不復設翰林職掌雖有記注起居編纂六曹章奏之文僅屬虛名未嘗撰輯神宗時閣臣始議開史局以東西十館密邇朝堂紀述爲便乃以東館近上四所令史臣分直其中一起居二吏戶三禮兵四刑工日輪日講官一員專記起居兼錄聖諭詔勅冊文其六曹章奏則選史官中年深而文學素優者六人分纂因定常朝制門日記注起居官及史官侍班之制日講官繫起居注銜蓋自此始然不久仍復停輟故終明之世起居之官不備以致史職曠廢王鏊震澤長語所謂前代左右史皆親見在廷君臣言動而書之成化以來人君不復與臣下接朝事亦無可紀凡修史則但取諸司奏牘分

派諸人以年月編次雜合成之後世將何所取信者是也我

朝復設

起居注館以翰詹諸臣兼充執簡簪毫敬謹紀載年經月緯歲有成編視唐宋之時政記日錄而更昭核實矣

又案經筵之禮始於宋代所以講明正學闡釋聖文歷代相因咸稱鉅典至明而儀節尤爲詳備然當時人主習於宴安怠惰往往臨朝傳免卽有勤於聽講者亦不過以文具相視未嘗有所辨論發明黃瑜雙槐歲抄載明景帝每講畢命中官布錢於地令講官拾之以爲恩典高穀年老俯伏不便恆莫能得一他講官拾以遺之

是以講學論道之地而恣意媒瀆實乖典則逮熹宗之世而顧秉謙等於經筵講畢袖出市刊遼東傳以構陷熊廷弼遂借書幃令典以曲肆其傾害之機謀益非念陳典謨之本意矣

國家敦崇實學久道化成

皇上稽古尊經歲

莅講幄

親製御論發揮精蘊無不澈天人之微旨貫理道之真源諸臣肅跪敬聆仰見

覺世牖民之至意心悅誠服莫可名言統備君師實三代以後所莫能景企於萬一也

欽定歷代職官表卷二十四

太倉錢清詒初校
益陽蔡芳覆校
番禺陶福祥再覆校

文淵閣閣職表

領	閣	事
三代		
秦		
漢		
後漢	<small>秘書監</small>	
三國	<small>秘書監</small>	<small>秘書令</small>
晉	<small>秘書監</small>	
宋齊	<small>秘書監</small>	
梁陳	<small>秘書監</small>	<small>秘書令</small>
魏	<small>秘書監</small>	
北齊	<small>秘書監</small>	
後周		
隋	<small>秘書監</small>	
唐	<small>秘書監</small>	<small>宏文館</small> <small>集賢殿</small> <small>學士</small> <small>書院</small> <small>士</small> <small>圖書使</small>
五季	<small>秘書監</small>	<small>昭文館</small> <small>大學士</small> <small>閣學</small> <small>秘書監</small>
宋	<small>秘書監</small>	
遼	<small>秘書監</small>	
金	<small>秘書監</small>	
元	<small>秘書監</small>	<small>卿</small>
明		

職官表卷二十五 文淵閣閣職表 廣雅書局

勅館臣排校繕錄彙爲四庫全書凡三萬六千冊而贏命於

文華殿後鼎建

文淵閣以貯之其規制則準寧波范氏天一閣之式依四部門目列架分儲四十一年

上以宋程俱麟臺故事所載祕書官品頗詳

詔大學士等集議參仿其制勅置閣職領閣事以大學士協辦大學士掌院學士兼充直閣以下咸定額有差用資典守蘭臺東觀永昭美備焉

文淵閣提舉閣事一人

以內務府大臣充掌率內務府官屬以綜理閣務焉

文淵閣直閣事六人

以科甲出身之滿洲漢人內閣學士內班出身之滿洲詹事少詹事讀講學士漢人詹事少詹事讀講學士等官兼充掌典守釐緝之事以時與校理輪番入直凡春秋曝書則董率而經理之

文淵閣校理十有六人

以內班出身之滿洲庶子侍讀侍講洗馬中允贊善編修檢討漢人庶子侍讀侍講洗馬中允贊善修撰編修檢討及科甲出身之內閣侍讀等官兼充分掌註冊點驗之事文淵閣檢閱八人

以科甲出身之內閣中書兼充掌排次清釐之事

文淵閣辦理事務內務府司員四人筆帖式四人

由提舉閣事大臣掄選

奏充掌一切收發啟閉掃除及稽查宿直之事

歷代建置

三代

陸德明莊子釋文世本云彭祖姓錢名鏗在商爲守藏史在周爲柱下史

史記老子列傳周守藏室之史也司馬貞索隱周藏書室之史老子爲柱下史卽藏室之柱下因以爲官名

謹案據索隱所云則柱下史卽守藏書室之官非有二職李善文選註引列仙傳謂李耳爲周柱下史轉爲守

藏史者非也漢世殿中蘭臺有圖籍祕書而御史屬於蘭臺故後代相沿以柱史爲御史通稱其實乃掌書之官並非糾察之任今仍繫之於此表

周禮春官外史上士四人中士八人下士十有六人掌三皇五帝之書

謹案周官小史掌邦國之志先鄭謂若周志鄭書之類蓋志諸侯所出之繫與其廟祧昭穆如今之玉牒及家譜外史掌四方之志後鄭謂若魯之春秋晉之乘楚之檮杌蓋志九州列國四海百蠻世系之所自出分封之所由始朝貢之斷續禮樂之更革俗尚之醜好如今之各直省志書皆與歷代祕書所掌不同惟三皇五帝之

書則正王者藏書之府所存之舊典實柱下職守所在
今故互著於表焉

秦

史記張蒼列傳秦時爲御史主柱下方書

謹案如淳注以方書爲四方文書然考漢書敘傳稱北

平志古司秦柱下張蒼封北平侯故稱北平顏師古曰志記也謂多

記古事也司主也是可知柱下實掌古籍不獨天下圖書計簿也秦雖燔滅詩書而博士所存故在則禁中亦必有藏書之所故以張蒼主之歟

漢

漢書功臣侯表山都正侯正恬啟漢五年爲郎中柱下令

顏師古注令主柱下書史也

謹案漢初沿秦之制則所謂柱下令者當亦主圖籍之官也

程俱麟臺故事自漢置未央宮卽麒麟天祿閣在其中命劉向揚雄典校皆在禁中卽內庫書也

漢書藝文志武帝建藏書之冊置寫書之官下及諸子傳說皆充祕府至成帝時以書頗散亡使謁者陳農求遺書於天下詔光祿大夫劉向校經傳諸子詩賦步兵校尉任宏校兵書太史令尹咸校術數侍醫李柱國校方技每一書已向輒條其篇目撮其指意錄而奏之

漢書揚雄傳雄爲大夫校書天祿閣上

謹案漢以麒麟天祿閣爲禁中藏書之所卽後世祕閣之制所由昉而劉向揚雄等皆以他官典校其間則今文淵閣閣職爲內閣翰詹諸臣兼銜正其例也又漢御史中丞居殿中掌蘭臺祕書卽古柱下之職與祕書省職掌相通故歷代營都邑置府寺必以祕書省及御史臺爲鄰自唐以後御史臺專掌糾察無復典守圖書之職今以系之都察院篇特附見其本制於此

杜佑通典後漢圖書在東觀

後漢書馬融傳拜爲校書郎中詣東觀典校祕書章懷太子李賢注謝承及續漢書並云爲校書郎又拜郎中也後漢書蔡邕傳召拜郎中校書東觀

通典後漢選他官入東觀典校祕書蓋有校書之任而未爲官也故以郎居其任則謂之校書郎以郎中居其任則謂之校書郎中當時重其職故學者稱東觀爲老氏藏室道家蓬萊山焉

後漢書桓帝本紀延熹二年初置祕書監官

應劭漢官儀祕書監一人秩六百石

馬端臨文獻通考桓帝置祕書監掌典圖書古今文字考合同異屬太常以其掌圖書祕記故曰祕書後省

謹案自後漢置祕書監而典司圖籍設有專官歷代相因未嘗改作至明始以其職併入翰林院然翰林官署旣不在禁中內府藏書遂無人職掌逮於季世而散佚

職官表卷二十一
殆盡其立法之弊亦可見矣今以四庫全書藏度
文淵閣特置閣職以綜領其事與前代祕書省監職制相
承源流可以考見謹詳著於表用昭延閣隆規實監古
而益彰詳備也

三國

〔三國蜀志〕郤正傳正入爲祕書吏轉爲令史遷郎至今
〔通典〕魏武帝又置祕書令典尙書奏事文帝黃初初置中
書令典奏事而祕書改令爲監掌藝文圖籍之事初屬少
府後乃不屬武帝置祕書令及丞一人黃初中有左右二
丞劉放爲左丞孫資爲右丞
〔文獻通考〕魏始置祕書校書郎

〔太平御覽〕王肅言祕書不應屬少府表曰魏之祕書卽漢
之東觀郡國稱敢言之上東觀未有隸名於少府者也太
和中蘭臺祕書爭儀三府奏議祕書司先王之載籍與中
書相亞宜與中書爲官聯

〔裴松之三國志注〕薛夏爲祕書丞嘗以公事移蘭臺蘭臺
自以臺也而祕書署曰謂夏不得爲移推使當有坐者夏
報之曰蘭臺爲外臺祕書爲內閣臺閣一也何不相移之
有蘭臺屈無以折自是遂以爲常

謹案自漢以後皆仿麒麟天祿之制以祕閣爲藏書之
府故魏薛夏稱祕書爲內閣晉永平詔書亦以祕書掌
中外三閣圖書此可證祕書省官卽如今之閣職也

晉

章俊卿山堂考索晉武帝以祕書併入中書省惠帝後別置祕書監掌三閣圖書自是祕書之府始居於外

唐六典惠帝永平元年詔祕書典綜經籍考校古今中書自有職務遠相統攝於事不專宜令復別置祕書寺掌中外三閣圖書自是祕書寺始外置焉

晉書職官志祕書監其屬官有丞有郎

通典晉祕書監銅印墨綬進賢兩梁冠絳朝服佩水蒼玉丞銅印墨綬進賢一梁冠絳朝服嵇紹司馬彪傅暢王謐等並為此官祕書郎掌三閣圖書校閱脫誤進賢一梁冠絳朝服亦謂之郎中武帝分祕書圖籍為甲乙丙丁四部

使祕書郎中四人各掌其一

宋齊梁陳

宋書百官志祕書監一人丞一人郎四人

南齊書百官志祕書監一人丞一人郎不著員數晉祕書閣有

令史掌眾書見晉令齊亦置令史正書及弟子皆典教書畫

通典宋齊祕書郎皆四員尤為美職皆為甲族起家之選待次入補其居職例十月便遷

謹案晉代祕書之府始居於外而南史載宋廢帝時明帝被拘殿內住在祕書省是宋齊以後祕書當在禁中矣

隋書百官志梁祕書省置監丞各一人郎四人掌國之典籍圖書天監七年定祕書監爲十一班祕書丞爲八班祕書郎爲二班

山堂考索祕書郎齊梁末多以貴遊子弟爲之無其才實
通典陳祕書所掌與梁同

謹案自晉武帝分祕書圖籍爲四部使祕書郎中掌之嗣後宋則有祕書監謝靈運祕書丞王儉齊有祕書丞王亮祕書監謝朓各造四部目錄梁則祕書監任昉以祕閣四部篇卷分雜手自讎校由是篇目定焉是歷代祕書皆有簿錄實祕書監丞郎職掌所在也

北魏

魏書官氏志祕書監第三品祕書丞從第四品祕書郎中第七品

魏書鄭道昭傳徙祕書丞兼中書侍郎遷祕書監

魏書高祐傳拜祕書令與丞李彪奏著作郎已下參造國書

魏書游肇傳爲內祕書侍御中散轉通直郎祕閣令

魏書韋肅傳遷祕書郎中江式傳式父紹興高允奏爲祕書郎

魏書韋纘傳補中書學生除祕書中散

通典後魏有祕書校書郎

謹案北魏既有祕書監而高祐傳又有祕書令游肇傳

職官表卷二十一
又有祕閣令當卽一官而異名至祕書中散爲魏所創設蓋入直祕書省以備使令者無常職也又孫惠蔚傳稱惠蔚遷祕書丞疏請依前丞盧昶所撰甲乙新錄裨殘補闕損併有無以爲定本次第均寫永爲常式並令四門博士及在京儒生四十人在祕書省專精校考參定字義是北魏祕書亦當有簿錄矣

北齊

隋書百官志後齊祕書省典司經籍監丞各一人郎中四人校書郎十二人正字四人

後周
北齊書魏收傳轉祕書監仍兼著作郎

通典後周官品正四命春官外史下大夫正一命春官校書下士

謹案後周始以起居著作分爲二職故外史專記言動不司圖籍惟校書下士則卽歷代之校書郎也通典又稱周祕書監亦領著作監掌國史且引柳蚪爲祕書丞以證似後周亦有祕書監丞之官然考之蚪傳蚪爲祕書丞在西魏文帝大統中後卒於恭帝元年始終皆在魏世並未入周豈得以宇文氏秉政而遂指爲周制乎斯蓋杜佑徵引之誤未足爲據

隋

隋書百官志祕書省監丞各一人郎四人校書郎十二人

正字四人錄事二人祕書監正三品祕書丞正五品祕書郎正七品校書郎正九品煬帝即位祕書省降監為從三品增置少監一人從四品減校書郎為十人又改監少監為令少令增祕書郎為從五品加置佐郎四人從六品以貳郎之職又增校書郎員四十人加置楷書郎員二十人從九品掌抄寫御書

王應麟玉海大業十一年增祕書省官百二十員以博士補之

謹案隋書李文博傳文博直祕書內省典羣書唐書王珪傳開皇十三年詔入祕書內省讎定羣書是隋世祕書省本在外故別有內省以藏書籍也

大三百八十五

唐

舊唐書百官志祕書省隸中書之下祕書監一員從三品少監二員從四品上丞一員從五品上祕書監之職掌邦國經籍圖書之事少監為之貳丞掌判省事祕書郎四員從九品上校書郎八人正九品上正字四人正九品下主事一人從九品上令史四人書令史八人楷書手八十人亭長六人掌固八人祕書郎掌甲乙丙丁四部之圖籍謂之四庫經庫類十史庫類十三子庫類十四集庫類三

新唐書職官志校書郎正字掌讎校典籍刊正文

玉海龍朔二年改祕書省曰蘭臺監曰太史少監曰侍郎丞曰大夫祕書郎曰蘭臺郎咸亨復舊垂拱元年曰麟臺

太極元年復曰祕書省

謹案唐改祕書省曰蘭臺者取漢殿中蘭臺掌祕書之義其改曰麟臺則又取漢麒麟閣藏書之義至歷代祕書多以四部著錄其稱四部爲四庫亦昉於唐世唐六典所稱唐平王世充收其圖書八萬餘卷自祕書宏文史館司經崇文皆有之分爲四庫每庫二人知名目次序以備檢討者是也

唐六典宏文館學士無員數掌詳正圖籍武德初置修文館武德未改爲宏文館神龍元年改爲昭文館開元七年又改爲宏文隸門下省自武德貞觀以來皆妙簡賢良爲學士故事五品以上稱爲學士六品以下爲直學士又有

文學直館並無員數皆以他官兼之儀鳳中以館中多圖籍置詳正學士校理自垂拱以來多大臣兼領館中有四部書貞觀初褚無量爲檢校館務學士號爲館主因爲故事其後有張太素劉禕之范履冰並特勅相次爲館主焉常令給事中一人判館事○校書郎二人從九品掌校理典籍刊正錯謬本置名讎校開元七年罷讎校置校書四人二十三年減二人○典書二人館中有經史子集四部之書使典之也其職同流外搨書手三人筆匠三人熟紙裝潢匠九人

新唐書職官志集賢殿書院學士直學士侍讀學士修撰官掌刊緝經籍開元五年乾元殿寫四部書置乾元院使

有刊正官四人以一人判事押院中使一人掌出入宣奏
監守院門知書官八人分掌四庫書六年乾元院更號麗
正修書院置使及檢校官改修書官爲麗正殿直學士八
年加文學直又加修撰校理刊正校勘官十一年罷麗正
院修書學士十三年改麗正修書院爲集賢殿書院正五
品以上爲學士六品以下爲直學士宰相一人爲學士知
院事常侍一人爲副知院事又置判院一人押院中使一
人其後又增修撰官校理官待制官留院官檢討官文學
直之員募能書者爲書直又置畫直至十九年以書直畫
直搨書有官者爲直院至德二年置大學士貞元初置編
錄官四年罷大學士八年罷校理置校書四人正字二人

大四百七十六

元和二年復置集賢校理罷校書正字四年集賢御書院
學士直學士皆用五品如開元故事以學士一人年高者
判院事非登朝官者爲校理餘皆罷○校書四人正九品
上正字二人從九品上有中使一人孔目官一人專知御
書檢討八人知書官八人書直寫御書手九十八畫直六
人裝書直十四人造筆直四人搨書六人典書四人

謹案自漢延熹以至於唐皆以祕書掌圖籍而晉宋以
後祕書省建置不盡在內廷故禁中別有地以爲藏書
之所如唐之宏文館有四部書而集賢所寫爲御本是
也當時搨置官僚以資典守與祕書省各分職事其所
掌實約略相同惟祕書官皆定額而宏文集賢多以他

職專史事故仍入翰林院篇內焉
官兼之為差異耳今以宋世三館其制實本於唐謹取
宏文集賢著之於表以詳沿革至史館雖兼司書籍而

新唐書宰相表天寶十二載十二月戊子左相陳希烈為
祕書省圖書使

玉海馬懷素奏祕書少監盧備崔沔為修圖書副使

唐會要長慶三年四月少監李隨奏請鑄祕書閣圖書印
謹案圖書使雖暫置之官然特用大臣以重其事蓋如
今之領閣事而修圖書副使以祕書少監為之則當如
今之直閣事也

五季

大三百九十七

五代史劉岳傳岳為吏部侍郎徙祕書監

五代會要晉天福六年監修國史趙瑩奏請下祕書省自
唐以來古今典籍經史子集元撰人名氏四部大數報館
以憑述經籍志周顯德二年詔委中書門下於朝官中選
差三十人據現在書各求真本校勘刊正舛誤仍於逐卷
後署校勘官姓名宜令館司逐月具功課申中書門下
謹案五季既有祕書監則少監丞郎宜皆備官惟周世
宗時所置之校勘官則以他官差充非常職也又盧文
紀傳稱其嘗為集賢殿學士是宏文集賢當亦如唐制
設官特史文簡略無可考見今故闕而不載云

宋

江少虞宋朝事實類苑梁都汴庶事草創三館湫隘尤甚
太平興國中車駕臨幸顧左右曰若此卑陋何以待天下
賢俊卽日詔有司規度左昇龍門東北車輅院地爲三館
下詔賜名崇文院以東廊爲昭文館書庫南廊爲集賢院
書庫西廊爲史館書庫昭文館本前世宏文館建隆中改
之淳化初以呂祐之趙昂安德裕勾中正並直昭文館則
本朝直昭文館自呂祐之等始也集賢有直院有校理端
拱初以李宗諤爲集賢校理淳化初以和嶠爲直集賢院
則本朝直集賢院校理自和嶠李宗諤始也史館有直館
太平興國中趙隣幾呂蒙正皆爲直史館則本朝直史館
自趙隣幾等始也本朝三館之外復有祕閣圖書置直閣

又置校理咸平初以杜鎬爲祕閣校理則直閣校理皆自
杜鎬始也

李攸宋朝事實端拱元年詔分三館之書萬餘卷別爲書
庫曰祕閣以吏部侍郎李至兼祕書監右司諫直史館
宋泌兼直祕閣右贊善大夫史館檢討杜鎬爲校理而直
祕閣祕閣校理之官始於此

謹案李燾續資治通鑑長編載建祕閣及置校理等官
在太宗端拱元年五月其真宗咸平初但有寫四部書
置龍圖閣及太清樓事與祕閣無涉類苑所載有誤當
以李攸宋朝事實爲正

麟臺故事宋集賢院大學士一人以宰相充學士無定員

以給諫卿監以上充直學士不嘗置掌同昭文案此書原脫昭文館

官制判院事一人以兩省五品以上充或差二人三館通為

崇文院別置官吏有檢討無定員以京朝官充校勘無定

員以京朝幕府州縣官充掌聚三館之圖籍監一人內侍

充兼監祕閣圖書天禧五年又置同勾當官一人祕閣端

拱二年案二年當作元年於崇文院中建擇三館書籍真本并內

出古畫墨跡等藏之淳化元年詔次三館直閣以朝官充

校理以京朝官充掌繕寫祕藏供御典籍圖書之事判閣

一人舊常以丞郎學士兼祕書監祕閣事大中祥符九年

後以諸司三品兩省五品以上官為國初又置祕閣校理

通掌閣事咸平後皆不領務史館自寓集賢院有檢閱編

九百四十一

修之名不常置

玉海昭文集賢有大學士史館有監修國史皆以宰相兼

領昭文集賢置學士直學士史館集賢置修撰史館有直

館檢討集賢有直院校理崇文有檢討校書皆以他官領

之初昭文隸門下省史館寓於集賢後合為一

宋史職官志祕書省監少監丞各一人監掌古今經籍圖

書之事少監為之貳而丞參領之其屬有祕書郎二人掌

集賢院史館昭文館祕閣圖籍以甲乙丙丁為部各分其

類校書郎四人正字二人掌校讎典籍刊正訛謬各以其

職隸於長貳歲於仲夏曝書則給酒食費尚書侍郎待制

兩省諫官御史並赴遇庚伏則前期遣中使諭旨聽以早

歸大典禮則長貳預集議所以待遇儒臣非他司比宴設
賜子率循故事宋初三館祕閣各置貼職元豐五年職事
官貼職悉罷以崇文院爲祕書省官屬始立爲定員

〔山堂考索〕宋初祕書省隸京百司雖有監少監丞郎校書
正字皆以爲寄祿官凡經籍圖書悉歸祕閣祕書所掌祭
祀視版而已元豐正名旣罷館職盡以三館職事歸祕書
省置祕書職事官自監少至正字不領他局宣和初增爲
十八員以倣登瀛洲之數建炎三年罷紹興元年復置隆
興元年詔監少丞外以七員爲額二年詔依祖宗舊法更
不立額

〔葉夢得〕石林燕語國朝以史館昭文館集賢院爲三館皆

寓崇文院其實別無舍但各以庫藏書列於廊廡間爾直
館直院謂之館職以他官兼者謂之貼職官制行廢崇文
館爲祕書監建祕閣於中自少監至正字列爲職事官罷
直館直院之名而書庫仍在獨以直祕閣爲貼職之首蓋
特以爲恩數而已

〔李心傳〕建炎以來朝野雜記提舉祕書省者官制以來無
之政和中初置紹興末高宗召信安孟王忠厚爲醴泉觀
使乃命提舉祕書省以寵之凡過局如宰執例

〔麟臺故事〕天禧四年箋解御集直館校理二十人充檢閱
官

謹案宋初雖有祕書監而不司圖籍凡四部書皆藏於

昭文史館集賢書庫謂之三館後又增建祕閣與三館
為四各置直館直院直閣等官其下則為校理檢討元
豐改制始歸入祕書監不置昭文集賢以史館隸著作
局而直祕閣只為貼職然三館祕閣之名仍在故陳騏
作館閣錄所述即祕書典故蓋典籍之府雖稱名有殊
其實一也至宋代所置閣職本有集賢殿修撰後改右
文殿
直龍圖閣直祕閣三等後增置修撰為集英右文祕閣
三等直閣為龍圖天章寶文顯謨徽猷祕閣六等又自
龍圖至寶章凡十閣各置學士直學士待制等官以為
省部長貳給舍諫議補外之職及庶僚領在外繁劇任
使者帶之皆屬虛銜並不得領閣事非麟臺典守所繫
今故不著於表

遼

遼史百官志昭文館昭文館直學士楊遵勗子晦為昭文
館直學士○祕書監有祕書郎祕書正字著作局有校書
郎

謹案遼有史館學士修撰已別見翰林院篇而昭文館
亦有直學士是遼亦備三館之制特集賢不見於史耳
又遼志有崇文館大學士乾文閣學士俱不詳職掌謹
附著於此

金

金史百官志祕書監監一員從三品少監一員正五品丞

一員正六品祕書郎二員正七品泰和元年定為二員通掌經籍圖

書校書郎從七品承安五年二員泰和五年以翰林院官兼大安二年省一員專掌校

勘在監文籍○宏文院知院從五品同知宏文院事從六

品校理正八品掌校譯經史○集賢院貞祐五年設知集

賢院從四品同知集賢院從五品司議官正八品不限諮

議官正九品不限

謹案金之宏文集賢二院蓋亦沿宋三館之制特宏文

尚有校譯經史之事集賢則史文不詳無由考見其職

掌矣

元

元史職官志祕書監秩正三品掌歷代圖籍并陰陽禁書

卿四員正三品太監二員從三品少監二員從四品監丞

二員從五品典簿一員從七品令史三人知印奏差各二

人譯史通事各一人典書二人典吏一人屬官祕書郎二

員正七品校書郎二員正八品辦驗書畫直長一員正八

品至元九年置其監丞用大臣奏薦選世家名臣子弟為

之大德九年陞正三品給銀印延祐元年定置卿四員參

用宦者二人

謹案祕書監為典冊之府而以宦者參雜其間殊乖儀

制又元有昭文館大學士僅為加銜集賢院則掌提調

學校徵求隱逸召集賢良雖有大學士學士侍讀侍講

學士等官並不典司圖籍與三館舊制不同且張畱孫

職官表卷二十一
吳全節輩皆以道流而充集賢大學士尤爲非體今故
不著於表附見於此

明

明史職官志祕書監洪武三年置秩正六品除監丞一人
直長二人尋定設令一人丞直長各二人掌內府書籍十
三年併入翰林院典籍

明史藝文志明太祖定元都收圖籍致之南京設祕書監
丞尋改翰林典籍以掌之永樂中北京旣建詔修撰陳循
取文淵閣書運至北京正統閒楊士奇等言文淵閣所貯
書籍向貯左順門北廊今移於文淵閣東閣臣等逐一點
勘編成書目請用寶鈐識永久藏弄制曰可正德十年大

學士梁儲等請檢內閣并東閣藏書殘闕者令原管主事
李繼先等次第修補

謹案周官外史掌三皇五帝之書而列國亦各有典書
之官故韓宣子聘魯觀書于太史氏而周景王亦謂籍
氏司晉之典籍以爲大政益簡策之藏憲章所自司存
有在不可不昭嚴重也自秦火之後經籍散亡漢代建
麒麟天祿諸閣網羅遺佚使光祿大夫劉向等校定羣
書於是儲藏之地典守之官制乃略具歷朝沿襲漸益
修明祕書監起於後漢三館肇於唐時無不簡召儒臣
廣置僚屬至宋而三館祕閣咸寓於崇文院後復改爲
祕書省設官頗爲詳備崇文總目所載卷帙亦尙賅博

然當時藏書雖富而校勘未能精審沈括夢溪筆談稱校書官多不恤職事但取舊書以墨漫一字復注舊字於其側以爲日課幾同兒戲神宗有意釐訂召曾鞏等編校黃本書籍開局累年僅能終昭文一館之書而罷鞏集載所撰目錄序止十有一篇則其程課之稽遲亦可以想見明初罷祕書之官併其職入翰林院凡書籍之藏於內閣者其篇目既不及前代而楊士奇等所輯書目亦多舛漏典守之事又僅委之典籍一官不能稽核正德以後遂多爲人盜竊以及蠹侵鼠嚙殘缺不完神宗時張居正令中書張萱等整比而所存已屬無多我

皇上崇儒念典惟日孜孜

御極之初卽

詔校刊經史纂輯羣書用以嘉惠來學前者

特命儒臣編次四庫全書區爲應刊應抄及存目三類各撮

大旨撰述提要彙成總目二百卷又別爲簡明日錄二

十卷俾本末源流瞭如指掌每一書進

御卽仰蒙

乙覽剖晰瑕瑜間荷

宸翰親題考據折衷永昭定論其中繕錄訛謬之處一經

睿鑒無不立時呈露詳切

訓勵校勘倍凜精詳當首部告成旣藏弄

文淵閣

錫宴賡吟

恩隆賚渥纂校諸臣俱蒙逾格

優敘備置閣職以重典司又於

圓明園建

文源閣

避暑山莊建

文津閣

盛京建

文溯閣分部尊藏而全書中採擷精粹別為蒼要萬二千冊於

御花園之摘藻堂

圓明園之味腴書室各貯一部以便省覽復

命續繕三部貯揚州大觀堂之文匯閣鎮江金山寺之文宗

閣杭州

聖因寺行宮之文瀾閣

特發帑金募工抄錄俾江浙士子得以快讀祕書觀摩謄寫
教思廣被日星並朗矣

太倉錢清詒初校

益陽蔡芳覆校

番禺陶福祥再覆校

欽定歷代職官表卷二十五

職官表卷二十五

文淵閣閣職

三

廣雅書局

詔復設詹事府置滿洲漢人詹事各一人少詹事各二人三十七

年省滿洲少詹事一人乾隆十三年省漢人少詹事一人

左春坊左庶子滿洲漢人各一人正五品滿洲庶子以四品冠帶食五品俸右春坊同漢人

左庶子兼翰林院侍讀銜左中允滿洲漢人各一人正六品滿洲中允以五品冠帶食六品俸漢人

中允兼翰林院編修銜右春坊同左贊善滿洲漢人各一人從六品漢人贊善兼翰林院檢討銜

右春坊同右春坊右庶子滿洲漢人各一人漢人右庶子兼翰林院侍講銜右中允

滿洲漢人各一人右贊善滿洲漢人各一人

掌記注纂修之事所職與翰林院講讀編檢同

國初設左右春坊各庶子一人諭德一人中允二人贊善二

人皆漢人員額以內三院官兼攝順治十五年省康熙十

四年復置左右春坊官皆滿洲漢人兼設庶子各一人諭

德各二人中允贊善各四人三十七年省滿洲右諭德左

右中允左右贊善各一人三十八年省漢人右中允右贊

善各一人五十二年省漢人右諭德左中允左贊善各一

人乾隆十三年省滿洲漢人左諭德各一人

司經局洗馬滿洲漢人各一人從五品漢人洗馬兼翰林院修撰銜

掌經籍圖書之事初置漢人一人康熙十四年置滿洲漢

人各一人又所屬有正字初置滿洲漢人各二人康熙三

十七年省滿洲二人三十八年又省漢人一人所存一缺

例以應選內閣中書者除授遂為中書兼銜乾隆三十六

年亦從部議裁省焉

主簿滿洲漢人各一人從七品

掌文移案牘員額康熙十四年定又初置有錄事滿洲二
人漢人三人康熙三十七年以後次第裁省

筆帖式滿洲六人

康熙十四年初置十人三十八年省四人

職事具
吏部篇

歷代建置

謹案詹事之名始于秦漢應劭謂詹者省也給也蓋其
職在于供給宮中之事故自太后皇后太子皆有之掌
太后宮者曰長信詹事掌皇后太子宫者則曰皇后詹
事太子詹事漢景帝始改長信詹事爲長信少府成帝
又併皇后詹事於大長秋而獨存太子詹事以主太子
家事自是遂爲宮官之定名歷代每建儲宮卽置此職

唐宋始以儒臣兼領明則由翰林官陞轉其制稍殊而
其爲東宮官屬則固未嘗有異也我

國家萬年垂統

睿慮深長

家法相承不事建儲冊立

皇上準今酌古備覽前代覆轍灼知建儲一事之斷不可行
宸諭屢頒著明深切伏讀

御製聯句詩注自古書生拘迂之見動以建儲爲國本其實
皆自爲日後身家之計無裨國是誠以立儲之後宵小乘
閒伺釁釀爲亂階其弊有不可勝言者朕於此往復熟籌
知之甚審我子孫當敬凜此訓奉爲萬年法守

典謨垂示昭揭日星實億萬禩所當謹凜遵循詹事府各員
特姑畱以備詞臣遷轉之階與翰林官無異視歷代之
為東宮僚佐者迥不相同今以設官所自雖實殊而名
則相沿故仍以歷代宮官建置採摭大略具列於左亦
俾論古者考見本末咸曉然於前事之當懲益以知
聖朝良法昭垂洵足超軼百世也

三代

禮記燕義古者周天子之官有庶子官庶子官職諸侯卿
大夫士之庶子之卒掌其戒令與其教治別其等正其位
國有大事則率國子而致于太子惟所用之若有甲兵之
事則授之以車甲合其卒伍置其有司以軍法治之司馬

弗正凡國之政事國子存游卒使之修德學道春合諸學

秋合諸射以考其藝而進退之鄭康成注庶子猶諸子也

也卒皆讀為倅諸子副代父者也

周禮夏官諸子下大夫二人中士四人府二人史二人胥
二人徒二十人掌國子之倅國有大事則帥國子而致于
太子惟所用之

儀禮燕禮獻庶子于阼階上鄭康成注世子之官也

謹案大戴禮保傅篇所載三王教世子者有三公三少
及道充弼右之名蓋卽後世宮衛所自始然皆以重臣
兼其任故周禮竝無此官今已別著於加銜表內至燕
義庶子卽周禮諸子之職賈公彥疏所謂諸庶通名俱

訓為眾者是也玉海引環濟要略謂庶子主宮中八次
八舍并諸吏之適子及支庶版籍是其職亦在於辨論
官材並非世子之私屬特以後世庶子官號實本于此
故仍繫之此表焉

秦

杜佑通典秦始皇置詹事中庶子官

鄭樵通志洗馬秦官

謹案史記秦有中庶子蒙而扁鵲傳又載統太子有中
庶子鵠當晉昭公時則庶子之為太子官春秋未已有
其制秦特沿而不改也

漢

漢書百官公卿表太子太傅少傅古官屬官有太子門大

夫庶子洗馬舍人詹事秦官掌皇后太子家有丞顏師古

太子各置詹事隨其所在名官屬官有太子率更家令丞僕中盾衛率廚

廩長丞顏師古注自此以上太子之官也

漢書臣瓚注茂陵書詹事秩真二千石家令秩八百石應

劭注太子門大夫員五人秩六百石庶子員五人秩六百

石中盾主周廬徼道秩四百石衛率主門衛秩千石張晏

注洗馬員十六人秩比謁者

謹案西漢皇后太子皆有詹事顏師古謂隨其所在以
名官而考之史文則多單稱詹事不加分別如宣帝紀
本始元年賜詹事畸師古曰爵關內侯竇嬰傳孝景即

位爲詹事韓安國傳壺遂官至詹事鄭當時傳貶秩爲詹事韋賢傳進授昭帝詩稍遷詹事孔霸傳宣帝時授皇太子經遷詹事馬宮傳徵爲詹事核其時代壺遂鄭當時孔霸馬宮所任自屬太子詹事若景宣二帝初立及昭帝之世俱未有太子宋畸竇嬰韋賢皆當爲皇后詹事而史不系以皇后太子字者從省文也至百官表列詹事在大長秋上史記稱壺遂爲上大夫則其位當亞于九卿劉敞以百官表不著其秩故作漢官班序圖遂以爲無秩惟臣瓚注稱爲眞二千石荀悅漢紀又以爲比二千石說者莫能折衷然考百官表於祿秩之等其例皆總題于後原不分著本條故中尉條後有云自

太常至執金吾皆中二千石丞皆千石此爲中二千石之總題主爵中尉條後有云自太子太傅至右扶風皆秩二千石丞六百石此爲二千石之總題百官表本文甚明詹事自在二千石之列說者不知詳考前後轉致紛紛聚訟耳又兩漢有太子中盾無中允而應劭漢官儀則又稱太子中允據漢書所載哀帝爲太子數遣中盾請問近臣顏師古注盾讀曰允是中盾卽中允也

通典後漢省詹事而太子官悉屬少傅
後漢書百官志太子率更令一人千石主庶子舍人更置職似光祿太子庶子四百石無員如三署中郎太子舍人二百石無員更直宿衛如三署郎中太子家令一人千石

主倉穀飲食職似司農少府太子倉令一人六百石主倉穀太子食官令一人六百石主飲食太子僕一人千石主車馬職如太僕太子廩長一人四百石主車馬太子門大夫六百石職比郎將舊有左右戶將別主左右戶直郎建武以來省之太子中庶子六百石員五人職如侍中太子洗馬比六百石員十六人職如謁者太子出則當直者在前導威儀太子中盾一人四百石主周衛徼循太子衛率一人四百石主門衛士右屬太子少傅凡初卽位未有太子官屬皆罷惟舍人不省領屬少府

謹案後漢始省太子詹事以少傅領東宮官屬而唐六典乃謂成帝已省詹事後漢因之蓋以百官表但言鴻

嘉三年省詹事官而不系之於皇后因此致誤然表文明言并屬大長秋長秋爲皇后官屬則非太子詹事可知自當以後漢書及通典爲據也

三國

〔冊府元龜〕蜀後主爲太子以譙周爲太子家令董允爲太子舍人後主立太子瑋霍弋爲中庶子李譔爲庶子

〔三國蜀志張裔傳〕裔子郁太子中庶子來敏傳先主立太子以爲家令譙周傳後主立太子以周爲僕轉家令周少子同除東宮洗馬召不就

謹案冊府元龜譙周作家令在後主爲太子時據三國志則後主立太子始以周爲家令冊府元龜蓋以立字

訛作爲字遂致全爽事實謹附訂于此

通志魏復置詹事領東宮眾務

唐六典魏置詹事品第三

孫逢吉職官分紀魏畧張茂上便宜擢太子舍人

通志太子庶子在吳爲親近之官

三國吳志張昭傳昭少子休爲太子登僚友從中庶子轉爲右弼都尉顧雍傳雍孫譚爲太子四友從中庶子轉輔正都尉鍾離牧傳拜太子輔義都尉諸葛恪傳侍太子登爲賓友從中庶子轉爲左輔都尉

謹案三國蜀魏所置東宮官大抵皆沿兩漢之舊惟吳志所載有左輔都尉右弼都尉輔正都尉輔義都尉諸

官乃吳所創置也

晉

晉書職官志武帝始建東宮尙未置詹事官事無大小皆由二傅咸寧元年以給事黃門侍郎楊珣爲詹事掌宮事及珣爲衛將軍省詹事惠帝元康元年復置詹事置丞一人秩千石主簿五官掾功曹史主記門下史錄事戶曹法曹倉曹賊曹功曹書佐門下亭長門下書佐省事各一人中庶子四人職如侍中中舍人四人咸寧四年置與中庶子共掌文翰職如黃門侍郎在中庶子下洗馬上食官令一人職如太官令庶子四人職比散騎常侍中書監令舍人十六人職比散騎中書等待郎洗馬八人職如謁者祕

書掌圖籍釋奠講經則掌其事出則直者前驅導威儀率更令主宮殿門戶及賞罰事職如光祿勳衛尉家令主刑獄貨穀飲食職比司農少府僕主車馬親秩職如太僕宗正左右衛率初曰中衛率泰始五年分爲左右各領一軍惠帝時又加前後二率

職官分紀晉起居注武帝太康八年詔太子率更僕東宮之達官也其進品第五秩與中庶子左右衛率同職通志主簿一人晉始置歷代皆有掌府事及三寺十率府之隱漏程限稽失者

謹案魏晉以後東宮官屬漸備其家令率更僕號爲太子三卿不數中庶子庶子中舍人洗馬等官者蓋其所司在侍奉左右爲太子從官故不以吏事拘之後世家令率更等官旣廢而獨置庶子洗馬蓋亦以其爲東宮近職而存之也

宋齊梁陳

宋書百官志太子詹事一人丞一人職比臺尙書令領軍將軍家令一人丞一人職比廷尉司農少府率更令一人職如光祿勳衛尉僕一人門大夫二人中庶子四人職如侍中中舍人四人職如黃門侍郎食官令一人職如太官令庶子四人職比散騎常侍中書監令舍人十六人職如散騎中書侍郎洗馬八人職如謁者太子左衛率七人太子右衛率二人太子屯騎校尉太子步兵校尉太子翊軍

校尉三校尉各七人太子冗從僕射七人太子旅賁中郎將十人職如虎賁中郎將太子左積弩將軍十八太子右積弩將軍二人

馬端臨文獻通考宋元嘉初詔二率中庶子隨太子入直上宮

南齊書百官志太子詹事置丞一人太子率更令太子家令置丞太子僕太子門大夫太子中庶子太子中舍人太子洗馬太子舍人太子左右衛率各一太子翊軍步兵屯騎三校尉太子旅賁中郎將一人太子左右積弩將軍太子殿中將軍員外殿中將軍太子倉官令太子常從虎賁督

職官分紀齊職儀詹事品第三

通志中允後漢太子官屬有之職在中庶子下洗馬上漢制五日一朝其非朝日即使僕及中允朝請問起居其後無聞宋齊有中舍人是其職也

謹案晉元康中已置中舍人鄭樵以爲始於宋齊者誤也至唐世復改舍人爲中允屬之左春坊而仍置中舍人屬之右春坊於是中允舍人遂分爲二職矣

隋書百官志梁詹事位視中護軍任總宮朝置丞功曹主簿五官家令率更令僕各一人家令率更僕皆置丞左右衛率各一人位視御史中丞各有丞二率各置殿中將軍十人員外將軍十人正員司馬四人又有員外司馬督官

其屯騎步兵翊軍三校尉各一人謂之三校旅賁中郎將
冗從僕射各一人謂之二將左右積弩將軍各一人門大
夫一人視謁者僕射中庶子四人高功者一人爲祭酒行
則負璽前後部護駕中舍人四人高功者一人與中庶子
祭酒共掌其坊之禁令又有通事守舍人典事守舍人典
法守舍人員庶子四人掌侍從左右獻納得失高功者一
人與高功舍人共掌其坊之禁令舍人十六人掌文記通
事舍人二人視南臺御史多以餘官兼職典經局洗馬八
人位視通直郎置典經守舍人典事守舍人員

謹案春坊之稱說者謂始於唐世然詳考史傳則魏晉
以來已有之玉海引晉王珉云中庶子稱坊詹事稱寺

寺同於九卿坊如天朝之稱臺漢宮闕名洛陽北宮有
九子坊蓋卽省署之別名特宋齊以前其名猶未顯著
至梁而蕭子範爲太子洗馬作直坊賦其辭稱直中舍
之坊又張纘爲太子舍人洗馬作南征賦其辭稱彼華
坊與禁苑常宵盤而晝憩而徐摘傳稱摘爲太子家令
文體旣別春坊盡學之春坊之名實昉見于此故百官
志亦謂庶子舍人各掌其坊之政令蓋當時二坊已分
左右特未以入銜耳又王褒集皇太子箴春宮養德秋
坊通夢似春坊之外又別有名秋坊者然他書皆無可
考至典經局卽今司經局其名亦始于梁代云

〔文獻通考〕齊庶子用人卑雜梁天監七年詔選賢以太子

中舍人司徒從事中郎為之

隋書百官志陳承梁皆循其制官太子詹事中二千石品第三太子中庶子太子左右衛率二千石太子三卿千石品第四太子中舍人庶子六百石品第五太子洗馬六百石太子步兵翊軍屯騎三校尉千石品第六太子舍人二百石太子門大夫六百石太子旅賁中郎將冗從僕射六百石品第七太子左右積弩將軍太子詹事丞六百石品第八太子左右二衛率品第九

北魏

唐六典後魏太子詹事置左右二人其後惟置一人初第一品太和末降為第三品

魏書官氏志太子詹事第三品太子左右衛率從第三品太子中庶子第四品太子家令太子率更令太子僕太子庶子從第四品太子中舍人第五品太子洗馬太子屯騎校尉太子步兵校尉太子翊軍校尉從第五品太子門大夫太子舍人從第六品詹事丞第七品太子三卿丞第九品太子廕長從第九品

謹案漢書庶子本掌東宮宿衛故宋齊之世除用遂不擇人流品頗雜據魏書劉芳傳芳與邢產入授皇太子經遷太子庶子則北魏庶子所司乃經幄勸讀之事視漢晉職掌為不同矣

北齊

隋書百官志齊詹事總東宮內外眾務事無大小皆統之
府置丞功曹五官主簿錄事員領家令率更令僕等三寺
左右衛二坊三寺各置丞二坊各置司馬俱有功曹主簿
以承其事家令領食官典倉司藏等署令丞又領內坊令
丞掌知殿內諸事其食官又別領器局酒局二丞典倉又別領園
丞司藏又別領仗庫典作二局丞率更領中盾署令丞各
一人掌周衛禁防漏刻鐘鼓僕寺領廢牧署令丞署又別有車輿局
丞左右衛坊率各領騎官備身正副都督騎官備身五職
騎官備身員又有內直備身正副都督內直備身五職內
直備身員又有備身正副都督備身五職員又有直閣直
前直後員又有旅騎屯衛典軍校尉各二人騎尉三十人

門下坊中庶子中舍人通事守舍人主事守舍人各四人
又領殿內典膳藥藏齋帥等局殿內局有內直監二人副
直監四人典膳藥藏局監丞各二人藥藏又有侍醫四人
齋帥局齋帥內閣帥各二人典書坊庶子四人舍人二十
八人又領典經坊洗馬八人守舍人二人門大夫坊門大
夫主簿各一人

謹案隋志載北齊典經坊洗馬八人而通志通考俱作
二人自當以史爲正其門下典書分爲二坊則左右春
坊之權輿也至梁典經局不隸二坊而北齊則爲典書
坊所領隋唐遞沿其制皆以坊統局今坊局之分曹則
又起于明代云

後周

唐六典後周置太子宮正宮尹

胡三省通鑑注後周置太子宮尹蓋卽詹事之職

周書尉遲運傳以運爲右宮正王軌傳宮尹鄭譯王端宇

文孝伯傳歷司會中大夫東宮左宮正尉遲運爲右宮正

仍爲左宮正顏之儀注拜小宮尹封平陽縣男

謹案唐六典以宮正宮尹爲後周宮官而通典載後周

官品獨不及此二職考之周書列傳則宮正有左右二

人而宮尹之下又有小宮尹蓋宮正當如左右衛率之

職宮尹當如詹事之職小宮尹則如少詹事之職也觀

宇文孝伯以司會中大夫轉爲宮正則其秩次又當在

宮尹上矣

隋

隋書百官志開皇初置詹事二年定令罷之門下坊置左

庶子二人內舍人四人錄事二人主事令史四人統司經

宮門內直典膳藥藏齋帥等六局司經置洗馬四人伎書

六人正字二人宮門置大夫二人內直置監副監各二人

監殿舍人四人典膳藥藏並置監丞各二人藥藏又有侍

醫四人齋帥置四人典書坊右庶子二人舍人通事舍人

各八人錄事二人主事令史四人內坊典內及丞各二人

丞直四人錄事一人內殿置尉二人掌內車輿之事家令

掌刑法食膳倉庫率更令掌伎樂僕掌宗族親疏各一人

什物奴婢等事漏刻車輿騎乘各一人

職官表卷二十六

詹事府

廣雅書局

三寺各置丞

家令二人 寺各一人 家令領食官典倉司藏三署令

人丞

食官二人 典倉一人 司藏三人 僕寺領廩牧令一員左右衛各置率

一人副率二人掌宮中禁衛各置長史司馬及錄事功倉

兵騎兵等曹參軍事法曹鎧曹行參軍各一人行參軍

員又各有直閣四人直寢八人直齋直後各十人左右宗

衛制官如左右衛左右虞候各置開府一人掌斥候伺非

左右內率副率各一人掌領備身已上禁內侍衛供奉兵

仗有千牛備身八人掌執千牛刀備身左右八人掌供奉

弓箭備身二十人掌宿衛侍從左右監門各率一人副率

二人掌諸門禁煬帝即位門下坊滅內舍人洗馬員改門

大夫為宮門監正字為正書典書坊改太子舍人為管記

舍人通事舍人為宣令舍人家令改為司府令內坊承直

改為典直左右衛率改為左右侍率左右宗衛率改為左

右武侍率左右虞候開府改為左右虞候率并置副率千

牛備身改為司仗左右備身左右改為主射左右左右監

門率改為宮門將

唐

舊唐書職官志太子詹事一員少詹事一員詹事統東宮

三寺十率府之政令少詹為之貳丞二人主簿一人錄事

二人令史九人書令史十八人丞掌判府事主簿掌印檢

勾稽錄事掌受事發辰司直一人掌彈劾宮寮糾舉職事

○太子左春坊左庶子二人中允二人左庶子掌侍從贊

相駁正啟奏中允為之貳司議郎四人錄事二人主事二人司議郎掌啟奏記注宮內祥瑞左諭德一人左贊善大夫五人左諭德掌諷諭規諫宗文館貞觀中置太子學館也學士直學士員數不定學士掌東宮經籍圖書司經局洗馬二人太子文學三人校書四人正字二人洗馬掌四庫圖籍繕寫刊緝之事文學掌侍奉文章校書正字掌典校四庫書籍典膳局典膳郎二人丞二人掌進膳嘗食藥藏局藥藏郎二人丞二人掌和劑醫藥內直局內直郎二人丞二人掌符璽繖扇几案衣服之事典設局典設郎四人丞二人掌湯沐灑掃鋪陳之事宮門局宮門郎二人丞二人掌內外宮門管鑰之事○太子右春坊右庶子二人中舍人二人舍

人四人錄事一人主事二人掌行令書令旨及表啟之事右諭德一人右贊善大夫五人傳令四人通事舍人八人舍人掌導引宮臣辭見及承令勞問之事○太子家令寺令一人丞一人主簿一人掌太子飲膳倉儲庫藏之政令總食官典倉司藏三署之官屬食官署令一人典倉署令一人丞二人園丞一人典事六人典倉令掌九穀入藏及醢醢庶羞器皿燈燭之事司藏署令一人丞二人掌庫藏財貨出納營繕之事○太子率更寺令一人丞二人主簿一人錄事一人伶官師二人漏刻博士二人掌漏六人漏童六十人典鼓二十四人率更令掌宗族次序禮樂刑罰及漏刻之政令○太子僕寺僕一人丞一人主簿一人錄

職官表卷二十六
事一人掌車輿乘騎儀仗之政令廄牧署令一人丞二人
掌車馬閑廄牧畜之事○太子左右衛率府率各一員副
率各一人掌東宮兵仗羽衛之政令長史各一人錄事參
軍事各一人倉曹參軍一人兵曹參軍一人冑曹參軍一
人司階一人中候二人司戈二人執戟三人長史掌判諸
曹及三府五府之貳錄事掌監印勾稽諸曹官掌本曹簿
籍親府勳翊府中郎將各一人左右郎將各一人錄事一
人兵曹參軍一人校尉五人旅師十人隊正二十人副隊
正二十人郎將掌其府之屬以宿衛而總兵事○太子左
右司禦率府率各一人副率各二人司禦率掌同左右率
○太子左右清道率府率各一人副率各二人清道率掌

東宮內外晝夜巡警之法○太子左右監門率府率各一
人副率各一人左右監門率掌東宮禁衛之法○太子左
右內率府率各一人副率各一人左右內率之職掌東宮
千牛備身侍奉之事而立其兵仗總其府事

新唐書百官志詹事府武德初置龍朔二年曰端尹府詹
事曰端尹少詹事曰少尹武后光宅元年改曰宮尹府詹
事曰宮尹少詹事曰少尹隋有內允武德三年改曰中舍
人貞觀初曰中允十八年置司議郎永徽三年避皇太子
名復改中允曰內允太子廢復舊龍朔二年改門下坊曰
左春坊左庶子曰左中護中允曰左贊善大夫司議郎分
左右置左右諭德各一人咸亨元年皆復舊司議郎不分

左右其後諭德廢而司議郎復分儀鳳四年置左右贊善大夫各十人以同姓爲之景雲二年始兼用庶姓改門下坊曰左春坊復置諭德庶子以比侍中中允比門下侍郎司議郎以比給事中贊善大夫以比諫議大夫諭德以比散騎常侍右坊則庶子以比中書令中舍人以比中書侍郎太子監國則庶子比尚書令改太子正書曰正字龍朔三年改司經局曰桂坊罷隸左春坊領崇賢館比御史臺以詹事二人爲令比御史大夫司直二人比侍御史以洗馬爲司經大夫三年改司經大夫曰桂坊大夫咸亨元年復隸左春坊省錄事隋內舍人隸典書坊武德初改曰中舍人管記舍人曰太子舍人永徽元年避太子名復改中

舍人曰內舍人龍朔三年改典書坊曰右春坊右庶子曰右中護中舍人曰右贊善大夫舍人曰右司議郎

謹案自隋罷詹事分置門下典書二坊唐初復置詹事府以治三寺十率府之政令改門下坊爲左春坊典書坊爲右春坊以領諸局而坊與府始各爲一司雖同稱宮僚其實不相統轄也至率府之制本起于秦漢之衛率以主東宮衛兵其後晉宋增爲五率至有實甲萬人隋唐又增爲十率府兵之隸于十六衛者餘悉以隸東宮遂使精兵勁卒半屬承華率府武臣皆得以私事太子構嫌召釁浸長厲階實爲弊政之尤今以其官在歷代亦詹事所屬故併附載大略以昭炯戒焉

五季

冊府元龜五代典制未備儲副居尹京之任皇子分節鎮之職宮僚國吏益多闕焉

五代史劉岳傳貶均州司馬復用爲太子詹事王權傳貶隨州司馬起爲右庶子

謹案五季諸君皆未立太子故宮官多闕然觀五代史所紀則當時又有詹事庶子等名目蓋自唐以後東宮諸職或以授左降致仕之人而藩鎮牙校幕府僚佐亦多檢校宮官者劉岳等所任大抵亦屬空銜竝無職掌也

宋

宋史職官志太子詹事仁宗升儲置詹事二人神宗欽宗升儲竝置二人皆以他官兼登位後省太子左庶子右庶子左諭德右諭德舊制不常設儲闈之建隨宜制官以備寮案多以他官兼領太子侍讀侍講神宗升儲始置各一人乾道淳熙開禧各依故事竝置太子中舍人舍人至道天禧各置一人神宗欽宗升儲竝如舊置嘉定初除二人慶元以中舍人任舍人上主管左右春坊事二人以內臣兼同主管左右春坊事二人以武臣兼承受官一人以內侍充仁宗神宗升儲竝置中興後置官竝同太子左右衛率府率副率左右司禦率府率副率左右清道率府率副率左右監門率府率副率左右內率府率副率官存而無

職司

〔文獻通考〕宋東宮官有左右庶子諭德乾道中庶子諭德除左不除右

〔永樂大典〕宋會要神宗熙寧二年以呂惠卿為太子中允謹案據此則宋代亦置中允矣而宋史職官志不載殆暫置即罷故略之歟

遼

〔遼史百官志〕太子詹事院太子詹事少詹事詹事丞詹事主簿○太子司直司太子司直○左春坊太子左庶子太子中允太子司議郎太子左諭德太子左贊善大夫文學館崇文館學士崇文館直學士太子校書郎司經局太子

洗馬太子文學太子校書郎太子正字典設局典設郎宮門局宮門郎○右春坊太子右庶子太子中舍人太子舍人太子右諭德右贊善大夫太子通事舍人○太子家令寺太子家令丞主簿太子率更寺太子率更令丞主簿太子僕寺太子僕丞主簿○太子率府太子左右衛率府太子左右司禦率府太子左右清道率府太子左右監門率府太子左右內率府

謹案遼史載東宮官屬極備然其可考見者中允馮若谷洗馬劉輝校書郎韓灤張昱等數人而已其他大抵皆據唐制以約畧得之未必盡有確據也

金

職官表卷二十六
三
〔金史百官志〕詹事院太子詹事少詹事掌總統東宮內外庶務左右衛率府掌周衛導從儀仗左右監門掌門衛禁鑰僕正副僕正僕丞掌車馬廄牧弓箭鞍轡器物等事掌寶二人掌奉寶謹其出入典儀贊儀司贊禮儀侍正侍丞掌冠帶衣服左右給使之事典食令丞承奉膳羞侍藥奉藥承奉醫藥掌飲令丞承奉賜茶及酒果之事家令家丞掌營繕栽植鋪設及燈燭之事司經正副掌經史圖籍筆硯等事司藏副掌庫藏財貨出入之事司倉副掌倉廩出入薪炭等事中侍局都監同監掌東閣內之禁令省察宮人廩賜給納諸物轄侍人等左諭德右諭德左贊善右贊善掌贊諭道德侍從文章

謹案金代宮僚但有諭德贊善而不分左右春坊與唐宋之制稍異其司經正副掌經史圖籍則仍洗馬之舊職也

元

〔元史百官志〕儲政院秩正二品至元十九年立詹事院備左右輔翼皇太子之任置左右詹事各一員副詹事詹事丞院判各二員吏屬六十有二人別置宮臣賓客二員左右諭德左右贊善各一員校書郎二員中庶子中允各一員三十一年太子裕宗既薨乃以院之錢糧選法工役悉歸太后位下改爲徽政院以掌之大德九年復立詹事院尋罷十一年更置詹事院設官十二員至大四年罷延祐

四年復立七年罷泰定元年罷徽政院改立詹事如前天
歷元年改詹事院爲儲慶使司二年罷復立詹事院未幾
改儲政院院使六員同知二員僉院二員同僉二員院判
二員司議二員長史二員照磨二員管勾二員掾史一十
二人譯史四人回回掾史二人通事知印各二人宣使十
人典吏六人家令司家令家丞各二員典簿二員照磨一
員掌太子飲膳供帳倉庫典幄署令丞各二員掌太子供
帳府正司府正府丞典簿各二員資武庫提點大使各一
員掌軍器冀用庫提點大使各一員掌鞍轡延慶司使同
知各一員掌修建佛事典用監卿四員太監少監丞各二
員掌供給緞疋寶貨等物典醫監達嚕噶齊解見戶部篇二員

卿二員太監少監丞各二員掌供進藥餌典牧監卿太監
少監丞各二員掌孳畜之事儲膳司卿四員少卿丞各二
員掌皇太子飲膳之事典寶監卿太監少監丞各一員○
至正六年立皇太子宮傅府九年冬立端本堂爲皇太子
學宮置諭德一員贊善二員文學二員正字二員司經二
員十三年定置皇太子賓客二員左右諭德各一員左右
贊善各一員文學二員中庶子中允各一員立詹事院罷
宮傅府置詹事三員同知詹事二員副詹事二員詹事丞
二員首領官中議二員長史二員管勾照磨各一員蒙古
筆且齊解見吏部篇六人回回掾史二人掾史十人知印二人
克噶穆爾齊解見倉場衙門篇二人宣使十人其屬有家令司府

正司典寶監儀衛司

謹案元之徽政院如漢之長信少府儲政院如漢之詹事儲政院有太子則置徽政院有太后則置無則省兩官互爲廢置其實卽一署也元史尙有掌謁司等官皆徽政院所屬今竝不載又有左右都威衛使司衛候直都指揮使司蓋卽前代衛率之職又有內宰司諸色人匠都總管府打捕鷹房總管府財賦都總管府等官所屬職員至多名目猥雜今但附識其槩於此

明

〔明史職官志〕詹事府詹事一人少詹事二人府丞二人主簿廳主簿一人錄事二人通事舍人二人左春坊大學士

左庶子左諭德各一人左中允左贊善左司直郎各二人左清紀郎一人左司諫二人右春坊亦如之司經局洗馬一人校書正字各二人詹事掌統府坊局之政事以輔導太子少詹事佐之凡府僚暨坊局官與翰林院職互相兼試士修書皆與焉通事舍人典東宮朝謁辭見之禮承合勞問之事春坊大學士掌太子上奏請下啟箋及講讀之事皆審慎而監省之庶子諭德中允贊善各奉其職以從司直清紀郎掌彈劾宮僚糾舉職事司諫掌箴誨鑒戒以拾遺補過洗馬掌經史子集制典圖書刊輯之事校書正字掌繕寫裝潢詮其訛謬而調其音切以佐洗馬建文中增少卿寺丞各一人賓客二人又置資德院資德一人資

善二人其屬贊讀贊書著作郎各二人掌典籍各一人成祖復舊制英宗初命大學士提調講讀官按詹事府多由他官兼掌天順以前或尚書侍郎都御史成化以後率以禮部尚書侍郎由翰林出身者兼掌之其協理者無常員春坊大學士景泰閒倪謙劉定之而後僅楊廷和一任之後不復設其司直司諫清紀郎亦不常置惟嘉靖十八年以陸深爲詹事崔銑爲少詹事王教羅洪先華察等爲諭德贊善洗馬皇甫淳唐順之等爲司直司諫皆天下名儒自明初宋濂諸人後宮寮莫盛於此嗣是出閣講讀每點別員本府坊局僅爲翰林官遷轉之階

明會典詹事府及坊局官後不全設亦無定員

謹案周禮不載太子宫官考之經文如師氏保氏掌教太子及國子諸子率國子而致于太子皆主教訓國子而太子亦齒焉蓋其所亟者在以道引翼故特選正人以朝臣兼師保之任使其入虎門之學朝夕納誨而已問安視膳之外太子絕無所預固無庸別置官僚以供使令而備宿衛也秦漢始爲太子置詹事多設僚屬嗣後歷代增加三寺十率員額浸廣而人數旣眾賢否靡雜往往預爲富貴之地逞其逢迎傾軋簧鼓多端以致貽害無窮禍延宗社故宮僚之設實非國家美事我

朝鑒古立制諸

皇子皆在

職官表卷二十六
三
尚書房讀書各選翰林官分侍講讀日有程課而擇大臣
二三人為總師傅以綜領其事凡詹事坊局之舊稱宮
僚者則但以備翰林敘進之階法度周詳實為超軼萬
古矣

太倉錢清詒初校

南海桂 坵覆校

番禺陶福祥再覆校

欽定歷代職官表卷二十六

大二百八十五

